

诸子百家之兵家

八阵总述

中华古典精华文库

八阵总述

八阵总述

治兵以信，求圣以奇。信不可易，战无常规。可握则握，可施则施。千变万化，敌莫能知。

匹陈赞

动则为奇，静则为阵。陈者阵列，战则不尽。分苦均劳，佚轮辄定。有兵前守，后队勿进。

天陈赞

天陈十六，内方外圆。四面风冲，其形像天。为阵之主，为兵之先。潜用三军，其形不偏。

地陈赞

地陈十二，其形正方。云生四角，其轴相当。其体莫测，动用无疆。独立不可，配之于阳。

风陈赞

风无正形，附之于天。变而为蛇，其意渐玄。风能鼓动，万物惊焉；蛇能围绕，三军惧焉。

云陈赞

云附于地，则知无形。变为翔鸟，其状乃成。鸟能突击，云能晦冥。千万变化，金革之声。

飞龙

天地后冲，龙变其中。有手有足，有背有胸。潜则不测动则无穷。阵行亦然，象名其“龙”。

翔鸟

鸷鸟(1)击搏，必先翱翔。势凌霄汉(2)第飞禽伏藏。审而下之，下必有伤。一夫突击，三军莫当。

【注释】

(1)鸷鸟：鸟类中的凶猛者叫鸷，如鹰，雕等

(2)霄汉：天空的极高处。霄，云。汉，天河，银河。

蛇蟠

风为蛇蟠，蛇吞天真。势欲围绕，性能屈伸。四季之中，与虎为邻。后变常山(1)，首尾相因。

【注释】

(1)常山：传说常山所出产的一种蛇，击其首则尾应，击其尾则首应，击其中部则尾首皆应。《孙子兵法》中以此喻首尾呼应的阵法为常山阵。

虎翼

天地前冲，变为虎翼。伏虎将搏，盛其威力。淮阴(1)用之，变化无极。垓下之会，鲁公(2)莫测。

【注释】

(1)淮阴：指淮阴侯韩信。

(2)鲁公：指项羽。

奇兵赞

古之奇兵，兵在陈内。今之奇兵，兵在陈外。兵体无形，形露必溃。审而为之，百战不昧。

合而为一 离而为八

合而为一，平川如城。散而为八，逐地之形。混混沌沌，如环无穷。纷纷纒纒，莫之所终。合则天居两端，地居其中。散则一阴一阳，两两相冲。勿为事先动而辄从。

游军

游军之形，乍动乍静。避实击虚，视赢挠盛。结陈趋地，断绕四径。后贤审之，事无常定。

金革

金有五，革有五。退则听金，进则听鼓。鼓以增气，金以抑怒。握其机关，战不失度。

鞞鼓

红尘战深，白刃相临。胜负未决，人怀惧心。乍奔乍背，或纵或擒。行伍交错，整在鞞音。

麾角

魔法有五，光目条流。角音有二，初警未收。麾者指挥，角者警觉。临机变化，慎勿交错。

兵体

上兵伐谋，其下用师。弃本逐末，圣人不为。利物禁暴，随时禁衰，盖不得已。圣人用之，英雄为将，夕惕乾乾，其形不偏；乐与身后，劳与身先。小人偏胜，君子两全。争者逆德，不有破军，必有亡国。握机为陈，动则为贼。后贤审之，勿以为感。“夫乐杀人者，不得志于天下。”圣人之言，以戒来者。